

DISPVATIO JVRIDICA
^{De}
ADMENATIONE

Von Sucken :
Die Hand/ Dolchen/ Wegen auf einen
Sucken

QVAM

AVXILIANTE DEO. T. O. M.

PRÆSIDE

DN. JOHANNE GEORGIO
FICHTNERO

V. J. D. ET INSTIT. IMPER. PROF. PVBL.
PATRONO AC STVDIORVM SVORVM PROMOTORE
PVBLICO ERVDITORVM EXAMINI

SVBJICIT

AVTOR ET RESPONDENS

CAROLVS OTTO MÜLLER

HASSO-CASSELLANVS.

ALTDORFI NORICORVM

A D. SEPTEMBR.

A. MDCCXI.

Recusa LITERIS KOHLESII, ACAD. TYPOGR. 1722.



I. N. J.



Uamvis sint ex recentioribus, qui in scriptis Dd. vetustiorum præter methodum & Antiquitatis studium, etiam imprimis latinæ linguæ puritatem desiderent, uti videre est apud Duaren. in *Epist. de Plagiari.* ubi scribit: Do-

ctores veteres pro latinis, propriis & elegantibus vocabulis, nova eademque inepta & monstrosa cuderunt, cumque verbis propriis & apud scriptores probatos, quos quotidie manibus tererent, usitatis, satis commode & dilucide cogitata sua efferre possent; tamen, quo disputationes suas obscuriores redderent & offusa rudioribus caligine, majori in vulgus essent admirationi, nova atque inaudita comminisci maluerunt, quæ nemo nisi ab ipsis per multos annos edoctus aut in huiusmodi scriptis diu multumque versatus intelligeret. Attamen hæc utcunque habeant; interim veteres hoc nomine non semper culpandos, sed quandoque magis excusandos esse existimamus, præprimis si re haut aliter ferente, ejusmodi impropriis & minus latinis seu parum elegantibus vocabulis fuerint usi. Nam ut Seneca L. 2.

de Benef. cap. 34. scribit : *Ingens est copia rerum sine nomine , quas non propriis adpellationibus notamus , sed alienis commodatue.* Et sunt oppido alias multa Juris vocabula , quorum notio & significatio peculiaris est & propria Jurisprudentiæ , ut v.g. Actio , Notio , Paganus , Locus , Homo ; Inde etiam est alia verborum significatio Grammatica alia juridica. Lestu jucundum , quod Aulus Gellius commemorat L. XX. Noct. Attic. cap. 9. de quodam magni nominis & famæ Grammatico. *Rogavi ego (verba sunt Gellii) Roma Grammaticum celebri hominem fama , & multo nomine , quid hac verba essent : Ex Jure manum confertum.*

Tum ille me dispiciens , aut erras , inquit , adolescens , aut ludis. Rem enim doceo grammaticam : non jus respondeo : Si quid igitur ex Virgilio , Plauto , Ennio querere habes : quas licet. Ex Ennio , ego inquam , est Magister , quod quero. Ennius enim verbis hisce usus est. Quumque ille demiratus aliena hac esse à Poëtis , & haud usquam inveniri in carminibus Ennii diceret : tum ego hos versus ex octavo annali absentes dixi. Nam forte eos tanquam insigniter præter alios factos memineram :

Pellitur è medio sapientia , Vi geritur res.

Spernitur orator bonus , horridus miles amatur.

Haud doctis dictis certantes , sed maledictis.

Miscunt inter sese inimicitias agitantes.

Non ex jure manum confertum , sed mage ferro

Rem repetunt , regnumque petunt , vadunt solida vi.

Quum hos versus Ennianos dixissem : Credo , inquit Grammaticus , jam tibi. Sed tu velim credas mihi. Ennium didicisse hoc non ex poëtica literis , sed ex juris aliquo

aliquo perito. *Eas igitur tu quoque, inquit, & discas unde Ennius didicisti. Usus consilio sum Magistri, quod docere me ipse debuerat, à quo discerem pratermonstrantis. Itaque id, quod ex fctis ex librisque eorum didici, inferendum his commentariis existimavi, quoniam in medio rerum & hominum vitam qui colunt, ignorare non oportet verba actionum civilium celebriora.* Hæc Gellius. cit. loc. Licet igitur fatendum sit, Veteres quandoque Grammaticorum Regulis haud adeo accurate inhæsisse: ea tamen gloria ipsis merito est relinquenda, quod magis de rebus quam verbis & vocabulis fuerint solliciti, omnia LL. arcana pro virili fuerint rimati, & præ ornamentis, rerum argumenta diligenter investigaverint, ac quomodo privatæ publicæque controversiæ ex LL. visceribus definiri queant, solcite inquisiverint.

v. Epist. 1. Pacidii de interdicta Christianorum cum Gentilib. commun. pag. 3. Cujus rei luculentissimum exemplum nobis præbet præsens Thema, usu frequens, definitione rarissimum. Nam speciem istam abusus armorum, quæ minitendo committitur, diu sub generali injuriæ verbo & delicto indiscretam delituisse, satis constat ex l. 15. §. 1. ff. de Injur. Can. 12. de pan. dist. 1. Donec tandem superiorum seculorum sollicitudo animadverteret, minas istas non semper ad injurias dirigi, sed aliquando etiam ad metum incutiendum, item aliquando ad percussionem vel cædem intentandam collimare, v. l. 1. §. 3. ff. ad L. Corn. de siccar. Novell. 42. in præfat. Berlich. P. 4. concl. 13. n. 11. & seqq. Unde ad denotandum hoc delictum, quod hactenus nomine destituebatur, peculiare huic facinori nomen indidit:

ADMENATIONIS , vid. Bart. Angel. pluresque alios
ad l. 15. §. 1. ff. d. Injur.

§. I.

Hujus vocabuli origo adeo est controversa, ut tot sint fere derivationes, quot Scriptores. Nos in tanta Virorum discrepantia, cujusque relinquimus arbitrio, ut quam velit eligat: interim verosimilius existimantes: Illos, qui latinum minari detorserunt in Activum menare, nequaquam religioni duxisse, præpositionem ad adponere, atque inde suam procudere Admenationem, Voss. L. 3. de Vit. Ser. cap. 25. unde nonnulli Adminationem dicunt, v. Arnold. Reyger *Thesaur. Pract. in verbo: Adminatio*. Nonnulli Comminationem vocant, uti Plin. 7. c. 45. Suet. in *Cæsa. c. 62*. Germani cum dicere possent *Bedrauwung* / vulgatus usurpant verbum *das Zucken: Die Hand/Dolchen/Degen auf einen Zucken*. etc.

§. II.

Sunt tamen Autores, qui alio sensu vocabulum Admenationis extendunt etiam ad percussione[m], e quorum numero est Fachin. L. 3. *Consil. 81.* ubi scribit: *Vulnus enim illatum esse præsumitur ab illo, qui vibravit, sive admenavit ensẽ, aut aliud genus armorum.* Item Farinac. *Quæst. Crim. 107. n. 159.* ibi: *tertius sit casus, in insultu factõ cum admenatione. In qua pariter facias conclusionem affirmativam, videl: quod pax seu cautio de non offendendo censetur rupta per insultum factum cum armis evaginatĩs & admenatione ictuum, cum iisdem armis, quamvis nemo vulneratus remanserit &c.* E quibus conitat Farinacium admenationem vocare ipsam

amillationem, vel inflictionem ictuum. Nobis tamen hic placuit admenationem eatenus saltem considerare, quatenus in terminis minarum subsistit, neque ad percussionem procedit.

§. III.

Hocigitur sensu cum Gothofredo in Not. ad Corp. Gl. d. l. 15. §. 1. ff. de Injur. describimus Admenationem: quod sit privatum delictum plerumque injuriæ speciem continens, quo quis elevatione manus armatæ vel inermis concutitur aut perterretur. Vel brevius cum Bertachino in Repert. verb. Adminatio: Quod sit Elevatio manus aut armorum ad percutiendum. Quæ descriptio desumpta est ex l. 15. §. 1. ff. de Injur. ibi: *Si quis pulsatus quidem non est, verum manus adversus eum levata & saepe territus quasi vapulaturus, non tamen percussus, utili actione injuriarum tenetur.* Cum autem ex hujus §. verbis non solum definitio desumpta, verum etiam integra hæc materia in ea fundata, & occasione ejus a nobis pertractata sit: idcirco operæ pretium esse duximus, lectionum varietatem ad eruendum ejus verum & genuinum sensum annotare. Et quamvis quidam DD. existiment, quod his verbis passivis: *pulsatus, territus &c.* male conveniat, activum *percussus*: ideoque legere malint *percussus*: cujus sententiæ est Gothofr. *supra cit. loc.* Item Russardus cum Pacio in suis editionibus. Nos tamen tutius putamus, priorem lectionem retinere, eo quod non tantum iisdem verbis canonisata sit, ceu constat ex *Can. 13. de penit. Dist. 1.* verum etiam plane cum Florentina congruat, & conveniat. Unde quidam non insulse autumant, in
d. §.

d. §. subesse figuram Syntheseos, sic ut animus Jcti a patiente ad agentem transferit, uti in l. 9. in fin. pr. ff. de Edendo. Exposito enim facto, actionis formam & formulam in animo habebat, quem animum lingua vel calamus præcurrens cum Synthesi expressit, quasi hoc modo plenius dicere voluerit: Si quis à Titio pulsatus quidem non sit; (Tum enim injuria realis foret. l. §. 2. ibi: in corpus fit injuria realis: cum quis pulsatur. ff. d. Injur.) verum manu levata ter-ritus fuerit, quasi vapulaturus i. e. ictum sive percus-sionem sensurus: Tum interest, an Reus percusserit i. e. an manum excusserit, an non: Priori casu directa actione Injuriarum tenetur, dummodo manum excus-serit, & quantum in se fuit, alterum percusserit, licet alter tactus non sit, adeoque actu ipso pulsatus non sit. Sin autem Titius non percussit, sed in terminis mini-tationis sive admenationis substitit: Tum utili injuri-arum tenetur. Ratio diversitatis est: Quia in facto admenationis reverà nec verbalis nec realis injuria po-est demonstrari. Non verbalis: potest enim & solo nutu absque injuria verborum admenatio peragi. Non realis, quia manus nondum sunt illatæ, quæ levatæ tantum fuerunt, l. 1. §. 1. ff. de Injur. Breviter: Si-quis manum elevet quasi me verberaturus, licet non verberaverit, utili saltem actione Injuriarum tene-tur, non autem directa, quia verbis legis non tenetur. Thes. dec. 229. n. 3. & seqq. Tabor Tract. de Armam. ib. 32.

§. IV.

Post definitionem sequitur divisio Admenationis; quæ arg. §. 9. f. d. Injur. & L. 7. §. 2. & 6. ff. cod. di-

dividi potest in graviolem & leviolem. Cujus distinctionis usus primum in eo consistit, quod atrox gravius puniatur quam levis, arg. §. 7. *f. de Injur. & l. 16. ff. de poen.* Deinde in eo, quod atrox semper vindicetur, levis non item, præprimis si ejusmodi admenatio, prout hodie sæpius fieri consuevit, non serio sed joci gratia facta sit. Nam si talis animus probetur, illa penitus vindicari nequit, cum animus & propositum soleant distinguere delicta. Huc pertinet illud, quod Jupiter dixit apud Plautum *Amph. act. 3. sc. 2. v. 39.* Neque enim si quid dictum aut factum est per jocum, ad quod est, id serio prævertier. Et Aristophanes in *ranis Act. 2. Scen. 2.* An tu istud convertas in rem seriam, joco quod ex te fecerim Herculem. confer. Bellet. *disquis. Clerical. part. 1. Tit. de favore Clericorum Canonis §. 2. n. 1.* Ubi ait: Ne quidem eum, qui Clericum per jocum percutis, in poenam incurrere. add. *cap. super eo, X. de Sentent. Excomm.*

§. V.

Causam efficientem & quidem remotam hujus delicti statuimus non tantum jus Civile, verum etiam jus Gentium, eo quod etiam æquitati & securitati publicæ, adeoque Juri gentium adversetur, minis aliquem perterrefacere: unde Justinianus Imperator in *Nov. 142. pr. Leges suas eos, qui gladium contra aliquem distringunt, suppliciis subdere sanxit.* Et sine dubio digitum intendit ad *c. l. 15. §. 1. ff. de Injur. l. 3. §. 1. & l. 10. ff. de vi publ. l. 1. §. 3. ad. l. Corn. d. sic.* Quæ prohibitiones postmodum non tantum canonisatæ, prout patet ex *can. 13. d. penitent. dist. 1. verum*

B

etiam

etiam Edictis summorum Principum aliorumque piorum Magistratum, qui subinde recrudescentem Duellatorum libidinem iteratis Edictis refrænarunt, quasi confirmatae sunt. vid. Chur. Fürstl. Brandenburgisches Edictum wider die Duella publ. Edln an der Eyree/ den 6ten Aug. 20. 1688. Art. II. ibi: Ingleichen ist unser Wille/ daß wann Jemand dem Andern mit der Hand oder Prügel drauet/ derselbe ein Jahr im Gefängnuß sitzen und eher nicht losgelassen werden soll/ biß Er dem Beleidigten öffentl. Abbitte gethan und darneben eine Geld-Buße pro ratione circumstantiarum & modo facultatum erlegt haben wird. Porro vid. Chur. Fürstl. Pfälzisches Edictum wider die Duella publ. in Dßfeldorf den 10ten Maji 1692. ibi: Sollte aber jemand mit der Hand oder Stock zu schlagen bedrohen/ oder des andern Knecht und Diener mit Stock/ schlagen und Prügel tractiren/ so soll derselbe ein Jahr lang im Gefängnuß sitzen/ und nicht eher dimittiret werden/ biß Er dem Beleidigten eine öffentliche Abbitte gethan/ und darneben eine Geld-Buße nach Vertrag der Umstände/ und seines Vermögens abgestattet haben wird. Item, Des Fürstl. Hauses Sachsen Ernestinischer Linie Duell-Mandat. §. 3. ibi: Trüge sich nun ferner zu/ daß Einer dem andern mit Real-Injurien begegnen/ mit der Hand/ einem Stabe/ Karbatsche/ Peitsche und dergleichen bedrohen würde. So soll derjenige/ der sich bloß mit Bedrohungen vergienge/ nebst vorgehender mund- und schriftlicher Abbitte in ein halbjährig Gefängnuß/ welches auf den Fall/ da die Bedrohung in des Bedroheten Haus geschehen/ noch eines

eines so lang dauret/ verfallen. Idem Statuta Argent.
9. Febr. Anno 1650. iterata §. Welcher auch. ibi:
welcher ein Meßer / Dolchen / Schwerd / Degen oder
ein ander Waffengegen den andern freventl. zuckt oder
wirfft / ob Er schon niemands beleidiget : So bessert
Er doch seines freventlichen Gemüths halber 1. Pf. 1c.
Quæ sane prohibitiones summam habent rationem,
ut scilicet graviora delicta caventur, dum eò ducen-
tia etiam prohibentur. Summa siquidem professio
stultitiæ est, non ire obviam sceleribus cogitatis, sed
manere opperiri, ut cum admissa & perpetrata
fuerint, tum denique, ubi quæ facta sunt, infacta fieri
non possunt, puniantur. Et quare patiatur ad arma &
rixas procedere Prætor, quos sua Jurisdictione potest
compescere l. 17. ff. d. usufr. Gell. lib. 2. Noct. Att. c. 3.
p. 277.

§. VI.

Causam efficientem proximam constituunt per-
sonæ, delictum hoc committentes, ceu constat ex su-
pra cit. l. 15. §. 1. ff. de Injur. Mares an foeminæ sint,
parum aut nihil interest, cum juxta l. 1. ff. de V. s.
vocabulum : Siquis, utramque speciem complectatur.
Sicuti quoque non refert, Clerici an Laici sint, Cap. 3.
X. d. Cler. percuss. Quamvis enim nimis alias etiam
in duellis Clericis indulgeant Pontifices, Cap. 1. & t. t.
X. de Cler. pugn. in Duell. attamen indecens esse non
immerito ab aliis perhibetur, manus Deo consecratas,
quibus Numini supplicandum est, aliis violenter inji-
cere, aut iisdem metum incutere ; cum Christus ipse
in crepuerit Petrum etiam pro se purgentem Matth. 26.

& Paulus Apostolus *ad Timoth. 3. item ad. Titum 1. v. 7.* voluerit. Episcopum non esse percussorem. Quoad causam hujus delicti instrumentalem parum itidem aut nihil interesse putamus, sive sit gladius *Nov. 142. pref.* sive aliud teli genus *l. 3. §. 1. ad l. Jul. de vi publ.* imo etiam manus, seu pugnus inermis levatus, *c. l. 15. §. 1. ff. d. Injur.* multo magis igitur tormenta seu bombardæ, wann man mit aufgezochnen Schyssen einen bedrauet.

§. VII.

In subiecto autem agente, sive iis, qui hoc delictum committunt, imprimis requirimus, ut sint doli capaces; cum aperti Juris sit, injuriam sine animo & affectu nocendi fieri non posse. *l. 3. §. 1. ff. de Injur.* Inde quicumque doli non sunt capaces, aut animum injuriandi non habent, illi hoc delictum non committunt, & per consequens ex eo non tenentur, adeoque liquidum est, furiosos nec hanc quidem injuriæ speciem admittere *arg. l. 40. ff. d. R. J. & c. l. 3. §. 1. ff. d. Injur.* & propterea, sicuti in aliis delictis, ita etiam in hoc ab omni pœna immunes esse, quamvis non dimittantur, sed custodiantur à suis in carceribus, ac etiam si opus fuerit, in vinculis & compedibus, non in pœnam delicti commissi, sed ne quid perniciosius in se ipsos aut alios moliantur. *l. 14. ff. de Offic. Præs. Idem dicendum de infantibus, hos enim doli capaces non esse, sed quicquid agunt ignorare, satis evincitur ex l. sed & §. ult. ff. ad l. Aquil. l. Infans ff. ad l. Corn. de Sicar.* Ex quo sequitur, quod Infantes, cum absque dolo nec vere delinquant, inde nec etiam ex hoc delicto teneantur.

At

At licet dicant quidam, Infantes non semper doli expertes esse, maxime hodiernis temporibus, ubi a Parentibus suis sæpius instructi, sciunt alios verbis satyricis traducere, linguam exserere, medium digitum ostendere, manus elevare, quod Itali vocant *ficas facere*, cinem die *Geige weissen*/ quin imo etiam melius ludere ad taxillos & alios decipere, quam majores 20. annis, ut ait Hippol. de Marfil *l. Infans ff. ad L. Corn. d. sic.* & Jod. Damhouder. *c. 84. n. 4. & seqq.* ubi testatur, suis temporibus pueros fuisse nequitiores, quam antiquis temporibus. Quo & illud pertinet. Gregor. *c. 29. l. 4. Dialog.* Infantem quinque añorum è manibus Parentum propter assiduas Infantis blasphemias à Diabolo ereptum fuisse, referente Farinac. *Qu. 92. n. 48.* Attamen hosce casus rarissimos (Si alias ejusmodi infantes doli capaces & delinquentes nuncupari queant, neutiquam in consequentiam trahendos, neque Infantes ex eorum delictis teneri, ob id dicendum esse traditidem Farinac. *c. l. n. 50.* ubi ex aliis quos ibidem allegat, refert, quod infans ille quinque annorum ereptus fuerit per diabolum propter blasphemias e manibus Parentum, in odium & poenam Patris non corrigentis filium potius, quam ipsius Infantis, in quo propter ætatem nulla aderat doli capacitas.

§. VIII.

Cum vero & ebrii passim in Jure furiosis & infantibus comparentur, quippe qui æque ac furiosi & Infantes quid agatur, non intelligunt, tanquam a mente & semet ipsis exulantes. Siquidem ebrietas non minus quam furor mentis quandam inducit alienationem *c. 14. X.*

de vita & honestate Cler. idcirco non incongrue quaeritur, an & hi hoc delictum committentes excusentur veniamque mereantur. Id quod sane ex superius adducta ratione affirmandum videtur, præprimis si inveteratam Germaniæ consuetudinem spectare velimus, quare seo rediit, ut si cui benefacere velis, potu eum liberaliore excipere, & vino inebriare summæ amicitiae loco esse censeatur, & secundum quosdam intra numerum eximiorum & perfectissimorum Politicorum referantur ii, si Diis placet; qui plurimum meri magnosque Cyathos evacuare possunt, adeoque quod lachrymis deplorandum, ex bibacitate haud pauci gloriam quaerant, etiam in Scholis Academicis, quæ salutis publicæ & virtutis seminaria esse debebant, in quibus tanquam in Mithridaticis compotationibus majori laudi ac gloriæ vertitur, egregium potatorem, quam insignem oratorem haberi: uti conqueritur Herman. Kirchner. in *Orat. d. fatal. Academ. dissip. & ruin. p. 33.* Quod vitium quoque antiquis Germaniæ Gymnasiis & Academiis inhæsisse ab An. Sylvio l. 1. *Com. dict. & fact. Alphons. n. 41.* memoriæ proditum est, ubi dicit: Cum Leonhardus Felserbies nobilis Eques in Lipsicensem Civitatem pervenisset, deque sobrii sui studiis & moribus diligenter, ut fieri solet, perquisivisset: homo qui nosset eum & coadjutor ejus esset, optime, inquit, se habet amicus tuus. Nam inter mille & quingentos, qui adsumus scholares, hic unus hibendi palmam obtinet. Neque ingrata sese homo nunciasse putavit; Est enim mos apud Saxones, dum conveniunt, hos primo loco ponere, qui plus adhiberint, eumque ludum ad aequales haustus com-

po-

potationem vocant. Hæc Sylvius. Egregia profecto laus; quam & præmium quandoque sequitur: Veluti Legatum quendam ex quodam externo Regno non solum insigni monile, sed etiam annuas pecunias computationis victoria partas domum retulisse meminit Herm. Kirchner. *l. 2. de legat. c. 3. n. 57.* Unde & factum, quod sancti-ones Imperiales, quibus Ebrietas satis severe prohibita est, in contemptum & risum abierint, atque Germaniæ Nobiles sibi invicem propinando dixerint. Propino Tibi haustum in Constitutionem Imperii de ebrietate vitanda, *Es gilst dir auf den Reichs Abschied* / uti ex prælectionibus Kirchneri refert Herm. Lath. *l. 1. d. Cens. c. 10. n. 32.*

§. IX.

Hæc autem utcumque se habeant & perpotandi ista forma nullis unquam temporibus aut legibus potuerit emendari, sed maxima pars hominū impatiens frœnorum & legum, libertatem nescio quam sibi somnians, legis potaticæ, quam Decalogi studiosior semper fuerit, teste Ægid. Albert. *de Conviv. & compot.* Attamen istam ceu omni Jure prohibitam, detestandam ac ceu pestem fugiendam esse, omnes recte sentientes nobiscum facile concesserint: quippe quæ inter causas morborum civilium & criminalium, familiam ducit, ex qua tanquam fertilissima segete, messis oritur undique viti-orum copiosissima, ut loquitur Herm. Lather. *de Cens. l. 2. c. 3. n. 1.* Unde Salom. *Prov. 23. v. 29.* Cui va? cui gemitus? cui rixæ? cui foveæ? cui sine causa vulnera? cui rubedo oculorum? Nonne his, qui commorantur in vino & student calicibus epotandis? Et sane si historias profanas consuluerimus, ex ebrietate imaginationem depravatam, Judicia stulta, oblivionem sui,

fui, stuprum, libidinem, concessionem injustam, crudelitatem, imprudentiam, immodestiam, arcanorum evulgationem, somnolentiam, morbum, vitæ periculum, mortem, honoris jacturam, cladem, captivitatem subsecutam fuisse deprehendimus, quorum omnium exempla refert quam plurima Theatr. vitæ humanæ Zvvingeri v. 9. l. 2. p. 244. quæ etiam nemini ignota esse possunt. Hac de causa de Jure humano æque ac divino Ebrietas severissimè prohibita est, ac sane cuius Christiano ad vitandam ebrietatem sufficere debet vel sola Salvatoris nostri Christi exhortatio: *Attendite ne corda vestra graventur crapula & ebrietate* Luc. 21. v. 34. Quam admonitionem Christianus quisvis perpendens salva fide ac conscientia se ingurgitare non poterit.

§. VIIII.

Quibus præmissis facile est colligere, quando & quatenus ebrietas in hoc nostro delicto, veniam mereatur, & quidem sicuti ebrietas immodica quæ alienationem mentis inducit, in aliis delictis ira & in hoc excusat quidem a pœna ordinaria, neutiquam tamen, delinquentem ab omni pœna liberat, sed eatenus solum ipsum excusat, ut mitius aut lenius aliquando extra ordinem puniatur, cum ebrietas enormis dolû quidem, non vero culpam tollat. Utut enim maxime ebrius dolo carere videatur, culpa tamen non caret, quæ casum præcessit, & quia rei illicitæ operam dedit, non evitando ut oportuit nimiam istam ebrietatem, cum ignorare non deberet aliquid mali per ebrietatem a se admissum iri, sane ob hanc ipsam culpam saltem extra-

traordinarie arbitrio Judicis pro ratione scil. culpæ punire debet, & ita ebrius non tam ob delictum, quam propter ebrietatem coercetur, prout innuit *c. inebriati. c. 15. qu. 1. Farin. O. 3. Oper. Crim. qu. 93. n. 4.* Quodsi vero modica, levis, & prout hodie sæpius fieri solet, affectata sit ebrietas, in qua nec alienatio mentis sed integritas rationis deprehenditur, illa minime à pœna hujus delicti excusare potest, quia tunc dolo malo delictum admissum præsumitur. Qui enim leviter saltem inebriatus, & usum rationis adhuc habet, is certe furioso æquiparari nequit. Quare cessante ratione æquiparationis, ebrio quoque excusationis locus relinqui nec potest, nec debet: præprimis si talis sit, qui sciens se solitum in ebrietate delinquere, & alios percutere ac offendere, non abstinuerit a vini immodica potatione, sed se dedita opera ingurgitaverit, & ebrius ultro ad arma venerit, ea strinxerit, atque hoc modo delictum commiserit. Quippe quod hoc casu dolus & malitia præcedat & sic delictum delicto cumuletur, quod propterea etiam graviori pœna coercendum videtur, secundum Gail. *L. 2. O. 110. n. 27.* Menoch. *de Arb. Jud. qu. L. 2. cas. 326.*

§. XI.

Sicuti autem ex præcedentibus constat, quod non quævis ebrietas ab hoc admenationis delicto excuset, ita nec quævis ira. Cujus asserti ratio & fundamentum principaliter ponitur in *l. 5. C. de injur.* in verbis: *Si autem in rixam inconsulto calore prolapsus, homicidii convitium objectisti, & ex eo die annus excessit, cum injuriarum actio annuo tempore proscripta sit, ob injuria*
C
ad-

admissum conveniri non potes. Unde inferitur, injuriantem sola iracundiæ exceptione se tueri non posse adversus injuriarum actionem, nisi temporis præscriptio accesserit. Quo & plurimum facit *Ord. Crim. Art. 137.* qui textus licet de crimine homicidii solum loquatur, attamen quin in aliis quoque delictis & sic in admenatione idem obtineat, ex ratione identitatis obscurum non est. Hocque est, quod scribit Baldus *in c. l. §. C. de injur.* Quod quædam sint, quæ sortiuntur Juris effectum & repudium, eaque nihil operantur, si fiant calore iracundiæ, quia non procedunt ex animo, sed potius secundum quandam alterationem. Quædam vero sint, quæ non sortiuntur effectum, ut sunt maleficia, in quibus non distinguitur, an emanaverint calore iracundiæ vel non : quia maleficia nunquam debent manere impunita, Felin. *in c. dil. filii n. 15. in fin.* Et sane, si ejusmodi casus accadat, ut quis justa ira commotus hoc delictum commiserit, gladium strinxerit, aut manus in alterum levaverit, vel in tantum ira concitatus fuerit, ut a mente quasi sit alienatus, quin tum veniam aliqualem delicti mereatur, nosmet ipsi non dubitamus. Eaque ratio commovit Imp. Maximil. I. ut ex calore iracundiæ blasphemanti aliquo mudo indulgeret *in. Rec. Wormat. de Anno 1495. sub tit. die Pön derer sö aus Hitz oder Zorn schweren.*

§. XII.

Progredimur nunc ad hujus delicti formam, quæ hoc loco paulo accuratius erit inquirenda, ut finis delicti hujus eo diligentius determinetur & error DD. supra indicatus reveletur. Siquidem alias tam in theoreticis

reticis, quam practicis formarum inquisitio & expositio perquam difficilis est; cum adeo affines & consimiles sæpe sint factorum species, ut similitudine sua etiam prudentiores fallant, eoque errores etiam a satagentibus dilucidationem, gravissimi committantur. Est autem forma hujus delicti alia generica, alia specifica. Prior consistit in minitatione telo intentata vel pugno. Posterior fit distractione & elevatione armorum in modum sive gestum verberaturi composita. Sic etenim qui alteri minatur gestibus, quasi lapidem, baculum, cultrum, aut similia arma in eum vibraturus, etiamsi minas opere non compleverit, nihilominus de talibus minarum terroribus puniendus venit, vid. Damhouder *Prax. rer. Crim. cap. 139. n. 2.* Tendit autem hæc admenatio vel ad metum, vel ad injuriam, vel ad vim vel ad vulnera necemve inferendam, prout videre est ex *L. 15. §. 1. ff. de Injur. l. 3. §. 1. ad Leg. Jul. de vi publ. l. 1. §. 3. ad L. Corn. de Sicar.* differtque ab ea gladii distractione, quæ cum vulneratione vel cæde est conjuncta. Quæ duo etiam apud bonos Autores ita leguntur discreta, ut puta apud Tacitum *1. Annal. 4. v. 14.* ibi: *Stabant pro Concione legiones distractis gladiis, non ut metum facerent, sed ut arcerent.* Sic & Subrius Flavius *L. 15. Annal. c. 58. n. 4.* a Rufo percontatus est, an inter ipsam cognitionem distringeret gladium, non ut metum aut injuriam inferret, sed ut eadem patraret? Rufo renuente, infractus est imperius, jam manum ad capulum referentis. Sic Rhadamistus in uxorem distringit acinacem, non ut perterrefaceret dilectissimam Conjugem & jam ante exanimem, sed ut vulneratam flumini

mini traderet, eoque hostili insecutioni subduceret, l. 12. *Annal.* 51. n. 1. Sic iterum *Annal.* 14. ad lectum Agrypina ferrum distinxit Centurio, non in metum, sed in mortem, cui illa uterum protendens: ventrem feri exclamavit, multisque vulneribus confecta est. Hæc ita collecta sunt à Tab. cit. *Tr.* 18. quæ ceu apprime huc facientia, transcribere, quam mutilate allegare maluimus.

§. XIII.

Ex his igitur facile erit colligere, quænam sit differentia inter armorum elevationem, quæ cum vulnere & cæde conjuncta est, & inter admenationem de qua specificè hic agitur. Hæc etenim in nuda elevatione & distictione, adeoque intra terminos & fines conatus subsistit. *C. J. A. de Injur. th.* 11. n. 9. Unde & ex præscripto l. 15. §. 1. ff. de Injur. in hoc delicto requiritur, ut manus armatæ vel inermes adversus alium levantur, seu eleventur aut attollantur, & quidem cum territione, seu eo gestu quasi perterrefaciens jam verbere alterum afflictorus sit, cum tamen non percusserit. Licet autem Græci ad formam & constitutionem hujus delicti, etiam iterationem desiderant, hancque sententiam ipsius Ulpiani in c. l. 15. §. 1. ff. de Injur. esse statuunt; dum cit. §. 1. *Lib.* 60. *Basilicon tit.* 21. & in *Eclog. ibid.* §. 25. ita explicant: *Qui saepe extulit manum & non percussit, utili injuriarum tenetur.* Attamen nos ad delicti hujus formam & constitutionem propterea iterationem non necessariam esse credimus, quia alias exinde hoc absurdum veniret, quod is qui semel eo gestu animoque manum levaret, plane non delinqueret, vid. Aretin. in *Tract. de Malef. verb. admenavit p.* 155. ibi: *Solus iste actus admenationis cultelli vel bastioni (sic gal-*

gallice *disit baculum*) vel *manus*, etiam si non percutiat, tamen est punibilis. Cui accedit, quod & alias ad alicujus delicti consummationem, iteratio non requiratur, cum illa delictum non absolvat, sed intendat, p. l. 4. C. d. *serv. fugit*. Quin imo jam supra ostendimus, potissimum hujus delicti requisitum consistere in gestu terrentis quasi verberaturi. P. Graeccius *Disput. Pandect.* 27. de *Injur. & famos. libell. cap. 4. th. 48.* Nec quemquam movere debet, quod ipse Ulpianus in *sapiens cit. l. 15. §. 1. ff. de Injur.* vocabulum *sape* expresse-rit. Cum interdum JCti eo vocabulo uti soleant, quando speciem notabiliorem designare volunt, nec ideo tamen iterationem pro necessitate formali exigunt, ut in l. 3. *vers. qui saepe ff. fam. hercisc. item l. 2. §. 1. vers. sed nisi. de Verb. Obl. Rebuff. in Comment. ad l. 53. de V. S.* Possumus & sic JCtum interpretari: Licet quis sæpius aliquem terruerit quasi verberaturus, attamen si non actu percusserit: tantum utili, non directa actione injuriarum tenebitur.

§. XIV.

Effectus & quidem ex hoc delicto admenationis generaliter proveniens, est obligatio ad pœnam, arg. l. 1. & 2. *ff. de LL. eaque pro qualitate hujus admenationis, puta vel simplicis vel atrocioris varia est.* Et quidem simplicis pœnam arbitrariam v. g. injuriarum esse putamus, l. 15. §. 1. *ff. de Injur. & l. ult. ff. de Extraord. Crim. ibi: Si cui ob eorum metum damnum datum est, pro modo admissi actio dabitur.* Non obstante Regula: Quod nudus conatus non obsit, si injuria nullum effectum habuerit, l. 1. §. ult. *Quod quisque Jur. l. 4. §. 6. ff. de Re Jud.* Nam & licet injuria ista respectu ultimi effectus imperfecta sive adfecta tantum vi-

deri queat, attamen in se perfecta & absoluta habenda est, uti in l. 3. ff. *Quod quisque Jur. l. 1. §. ult. ibi: imperfecto flagitio. ff. de extraord. Crim. l. un. ibi: tamen, pro tali conamine. C. si quacunq. prad. potest. conf. l. 37. ff. ad L. Aquil.* Deinde non recte assentiri Bartolo existimamus, qui ex eo (quod poena admenationis arbitraria sit,) colligit; admenantem eadem poena plectendum esse, ac percutientem, utcunque eundem magni nominis DD. sequantur, uti Angel. Jason. Hippol. Marfil. in l. *Qui falsum n. 4. ff. ad L. Corn. de fals.* cum manifesti juris sit, quod maxima inter attentatum & perfectum delictum differentia sit: & ideo pari poena plecti nequeant, nisi conatus diserte a lege eadem poena afficiatur, uti contingit in crimine perduellionis per Aur. Bul. Tit. 24. Lud. Carer. in *Pr. Crim. cap. de homicid. p. 88. n. 16.*

§. XV.

Utcunque autem etiam admenationis atrocioris poena de Jure Civili dicatur arbitraria d. l. 1 §. 1. de *Injur.* attamen sub hac haud dubie graviozem intelligendam esse omnes facile concefferint; id imprimis pensitantes, quod injuriarum poena, quia est arbitraria, etiam ex justa causa aliquando aggravari possit: ita scil. ut & Judici incumbat, in decernendis poenis tam pro admenatione simplici, quam atrociori omnes qualitates personarum aliasque circumstantias bene & accurate perpendere, & ex iis Judicium ac arbitrium suum informare. Quæ licet certa Regula definiri nequeant, attamen certum, quod atrox Admenatio æstimari possit potissimum, vel ex loco: ut si intentetur in
loc-

loco sacro, aut publico : ut puta in templo, foro, vel theatro vel conspectu Prætoris, arg. §. 9. *l. 1. & l. 9. §. 3. ff. de Injur. & l. 16. §. 6 ff. de pæn.* ubi exemplum huius rei est apud Demosthenem in Oratione contra Midiam : cum Orator graviter conqueratur de colapho sibi ludosfacienti, a Midia in ipsis ludis seu theatro imposito, vid. Frid. Bruckmann. *Vol. 2. Conf. 15. n. 147.* Vel ex genere armorum. Gravior enim est, quæ armis intentatur. §. 6. *Inst. de interditt.* levior quæ manu elevata sine armis designatur. Vel ex tempore. Sic atrocior censetur admenatio, quæ fit die festo, arg. *l. 7. §. f. ff. de Injur.* vel interdium : Levior autem quæ fit noctu, Polyd. *Rip. d. Temp. Noct. c. 44. n. 18.* Vel ex Quantitate, si sæpius iterata fuerit, arg. *l. 16. §. 7. ff. de pæn.* Denique ex persona cumprimis æstimatur atrox admenatio : Siquis ea utatur adversus Magistratum aut ejus Officiales & Ministros, etiam lictores vel cohortem Prætoris. Idque ratione non caret; quum offendens ministros Magistratus, ex mandato ejus quicquam agentes, ipsum Magistratum lædere ac injuriis afficere videtur. Minus vero dubium est, quod nomine Magistratus hic veniant omnes illæ personæ, quibus imperium & Jurisdictio aliqua competit & concessa est, ut sunt : Prætores ac Judices in oppidis, Sculteti in pagis, Senatores, Nobiles. Præfecti, Quæstores, nec non Scholarum & Academiæ Rectores, ita ut si quis ex studiosis adversus eos admenatione usus fuerit, pro ratione circumstantiarum & personarum qualitate gravius puniri queat. Quare & huc casus pessimo ac malitiosissimo hoc seculo non raro con-

contingens, referendus, quo sæpius in tumultu cives & rustici una cum servis, mulieribus atque ancillis coadunati, fustibus, baculis, lapidibus, ligonibus, rutris, rastris, furcis, mergis aliisque armis Magistratui resistunt, & verbera ac vulnera minantes, executionem impediunt, obedientiam renuunt & quasi rebellionem fovent. Quos omnes, ceu delicti hujus complices, poenâ hâc arbitraria graviore teneri extra dubium est; hoc tamen moderamine adhibito, ut Autores tumultus ac rebellionis gravius: reliqui vero complices, lenius puniantur, & priusquam certa poena hac in causa delinquentibus decernatur, de Autoribus tumultus ac factio cujusque personæ certo constare debeat.

§. XVI.

Non minus quoque atrox reputatur ea admenatio, quæ fit & infertur Parentibus, utpote quibus si non major, æqualis tamen honor ac reverentia debetur *l. 7. §. 8. ff. de Injur.* Sicuti enim officium Parentum præcipue in eo consistit, ut liberi alantur. Ita vicissim debitum filiale exigit, ut liberi Parentibus honorem & obedientiam præstent atque exhibeant: contra quem honorem & obedientiam graviter liberi peccant, Parentes admenando ac injuriis afficiendo, ac propterea pro ratione circumstantiarum, eosdem gravius quandoque puniendos esse, non immerito statuunt DD. per *l. 2. & §. ff. ad L. Pompej. de Parricid.* Olim Parentes ipsimet vi Patriæ Potestatis, quæ juris civilis ac Civium Romanorum propria erat, ejusmodi injurias vindicare poterant, siquidem

dem more Romano Jus vitæ & necis Patri adversus liberos concessum fuit, gravius fere dominica in servos potestate, ex lege scilicet Romulea, juxta quam Viri illustres pro Rostris, favente plebe concionantes, in Senatus invidiam, fruentesque aura populari, detracti de suggesto abducti sunt a parentibus pœnas daturi ex ipsorum sententia, quos dum per forum ducerent, nemo adstantium eripere poterat, non Consules, non Tribuni, non ipsa Turba &c. Dionys. Halicarnas. l. 2. Pariter & vetus jus fuit Parentum, utriusque sexus, distrahendi liberos, tempore famis & necessitatis. Item abdicatio filiorum immorigerorum, Plato de *legibus* l. 11. Sed utrumque hodie immutatum. Hoc enim nempe abdicationis Jure abrogato, l. *abdicatione C. de Patr. potest.* aliud mitius jus fuit substitutum, scilicet exheredationis, quam Imperator ad certas causas quidem adstrinxit, non tamen simul prohibuit plures alias similes & majores admittere. Nov. 115. c. 3. Illud vitæ & necis arbitrium severiorque liberorum coercitio, uti desuetudine paulatim propter atrocitatem, nec non Principum rescriptis sublata fuit. l. f. *C. de Patr. pos.* Ita non sine magna ratione cessat & prohibita nunc est ubique. Henr. Arnis. l. 5. *Polis. fol.* 118. Be-fold. *Ch. 1. disp. Polis. 10. th.* 42.

§ XVII.

Pro atrocissima quoque admenatione reputatur
 ea, qua milites adversus supremos militiæ Præfectos
 D fuerint

fuerint uß, ac propterea gravissime puniri iubentur in
des H. R. Reichs Reuter-Bestallung *Art. 29. ibi:*
Item, Es soll kein Knecht seinem Herrn oder Junkern
muthwillig troßen / noch sich Ihn widerseßig machen/
vielweniger eine Büchse oder Wehr über Ihn zucken/
bey Leibes-Straffe. *It. Art. 53. ibi:* Wo einer oder mehr
sich mit wehrhafter Hand gegen den Feld-Obristen
oder Feld-Marschalck einlaßen würden / die sollen dar-
um an Leib / Ehr- und Guth nach erkantniß des Reu-
ter-Rechts gestrafft werden. Confer. Königl. Schwe-
discher Kriegs-Articulß-Brief. *tit. 5. art. 33. 34 & 35.*
ibi: Welcher Reuter und Fuß-Knecht in des Feld-
Marschalcks oder Feld-Herrns Gegenwart / es sey
wo es wolle / oder auch in Besatzung / seinen Degen ent-
blößet / der soll die Hand verlohren haben. Item *art. 35.*
Und insgemein welcher Officier, Reuter und Fuß-
Knecht in Bestungen / Lägern sein Gewehr nicht zu set-
zen Noth und Gegenwehr / sondern vielmehr zu offen-
dirung auszeucht / entblößet oder zucket / auch dessen
genugsam überführet würde / der soll mit unnachlässl.
Leibs- und Lebens-Straff belegt werden. Item *Tit. 4.*
Art. 29. ibi: Mit den Unter-Officiren / als Feld-Wäbel/
Sergeanten / Führern / Furirern / Rüstmeistern / Cor-
poral und Rott-Meistern soll es also gehalten werden:
Welcher Reuter und Knecht dieselben schmähen / sich
Ihres Amts commando entgegen setzen / und sie mit
der Faust zu schlagen bedrohen / auch dessen genugsam
überwiesen werden / die sollen die Fäuste verlieren und
aus dem Lager verjagt : Geschicht es aber im Felde/
wann

wann man gegen den Feind ziehet / oder in einem festen Lager / so mit der Wacht besetzt ist / am Leben gestrafft werden. Bonfer. Fürstl. Heilsches Kriegs-Recht *Art.* 28. *ibi* : Insonderheit soll keiner mit dem andern mit Besetzung der Wacht / weder auf den Strassen / noch im Losement Zanken / weder Zucken noch Balgen / desgleichen auf den Tags-Wachten oder in der Zugs Ordnung / bey Straff Leibs- und Lebens. Item *Art.* 12. *ibi* : Wo auch einer auf Zug und Wacht etwa um billiger Ursach willen / und sonderlich darumb / wann Er nicht thäte / das einem Kriegs-Mann zustünde / von einem Befehls-haber gestrafft würde / und Er sich gegen denselben zur Wehr stellet / sich auch andere seiner annehmen wolten / der oder dieselben sollen darinn nach erkantnis des Rechts am Leib und Leben gestrafft werden. Item in *Art.* 10. & 26. Conf. Regier. Fürstl. Durchl. zu Schleswig Kriegs-Recht *tit.* 8. *Art.* 59. *ibi* : Wie dann in Summa jedweder Officirer / Reuter und Fuß-Knecht / welcher in denen Vestungen und Lagern sein Gewehr zur offension entblösset und zucket / unerachtet Er damit nichts verrichtet / an Leib- und Leben oder nach befindung der Umstände mit anderer Straff belegt werden soll. Cum quo concordat Kayser Maxmil. II. *Art.* Brief *Art.* 33. Kayser Ferd. III. Kriegs-Recht. *Art.* 8. & 41. Brandenb. *Art.* 20. Holländ. *Art.* 32. & 33. ad quem ultimum *Art.* Juris Holland. militaris, Pappus scribit : L'espée comme un coutau sacre, ne doit être desgainée, fors en cas d'importance, ou pour la de-

fense de sa vie & de son honneur. Concordat etiam Jus civile, uti est textus in l. 13. §. 4. ff. d. Re milit. ibi: *Irreverens miles, si Centurioni castigare se volenti resistit, non solum vim tenuerit, sed ex industria fregerit, capite punitur.* Sic porro & omnis contumacia adversus Ducem capite punienda est, augeturque hoc crimen dignitate Præpositi. Je hðher der Officier, je grðßer das Verbrechen. v. l. 6. §. 1. ff. eod. tit.

§. XVIII.

Quin porro & illa atrocissima gravissimaque fit admenationis species, quando quis personis Ecclesiasticis, five Clericis minatur gestibus quasi lapidem, baculum, cultrum, gladium aut similia arma in eos vibraturus, etiamsi minas opere non compleverit, atque insimul de talibus minarum terroribus puniendus veniat: extra omnem dubitationis aleam positum est. Et præprimis hoc maxime solenne est Pontificiis, ut sanctitatem suorum Clericorum ubique deprædicent, ac illibatam conservent: ne chara capita, etsi meruerint maxime, unquam violentur, & ne deficiat ulla in parte Regnum Anti-Christi, prout loquitur Ziegler ad §. 3. *Instit. Jur. Can. de sentent. Excomm.* Quamvis enim alias de personis Ecclesiasticis notent DD. Admenantem non fieri irregularem, nisi simul percutiat atque occidat, Bald. in addit. ad specul. tit. de Accusatore verb. *Rigor legis* Cornel. Si quis tamen in Clericos, Regulares, Monachos, Professos vel Novitios, vel conversos violenten-

olentas & impias manus injecerit, ipſo Jure Canonis incurrit ſententiam, a qua præterquam a Romano Pontifice velejus delatere Legato a quoquam abſolvi non poterit. *cap. 5. X. de ſentent. Excomm. cap. 13. X. eod.* Sed etſi manus quis violentas non injecerit, inferenti tamen vel Autor vel adjutor fuerit, aut factum ratum habuerit, pari pœna illum plectendum Catholica ſanxit authoritas, eos etiam delinquentibus favere interpretata, quicum poſſint, manifeſto ſcelere deſtinent obviare, *cap. 23. de ſentent. Excomm. in 6to.* etiamſi id ob timorem intermiſſum fuerit, uti extendit aſſertionem Martinus ab Azpilcuer. *Navarr. Tom. 3. c. 24. n. 24.* Ex quo ſatis conſtat, quod Pontifex pari & majori etiam ſecuritate Clericos ſuos muniat, quam Conſiliarios ſuos Imperator *in l. 5. C. ad L. Jul. Majeſt.* de qua re etiam Natio Germanica in comitiis Norimbergensibus conqueritur his verbis: *So ein Pfaff / oder andere geweihte Perſohnen erſchlagen / wird nicht allein der Thäter verbannet / ſondern auch die Stadt interdiciret / und ſolange interdict gehalten / auch kein Chriſt. Werck vollbracht / biß der Thäter oder die Gemeine Abtrag thue.* Sed & cadaver Clerici, ſi quis minus religioſe tractaverit, excommunicationem eum incurrare volunt. *Bajard. ad Jul. Clar. Qu. 77. n. 16.*

§. XIX.

Accidit tamen interdum, ut etiam pro violenta manuum injectione, excommunicationi quis non ſubjiciatur:

ciatur: veluti si Clericum sibi manus inferentem, ita quis in continenti vi repellat, ut læsionem inferat, aut in eum, quem cum uxore, matre, filia vel sorore turpiter se gerentem invenerit, manus violentas injece- rit. Idem statuitur de eo, qui illum percusserit, quem probabiliter ignorabat esse Clericum, e. g. si percusserit Clericum, qui Clericali habitu non incedit, quem quis propterea pro non Clerico habere potest, *cap. 4. X. de sensent. Excomm.* Id quod sane mirum videre potest, Jure Pontificio exceptionem ac præprimis defensionem adversus Clericos fuisse permissam, præsertim cum id ubique agatur, ut non salva & integra tantum sit Clericorum conditio & status, sed etiam ut eminentior existat. Et quæ ergo proportio erit inter percussionem Clerici & percussionem Laici? Si præsertim obtineat sententia, quæ nunc passim propugnatur, licite omit- ti defensionem sui, quando in valet persona publica aut Reipubl. maxime utilis. Præter morem igitur benignius hic est Jus Pontificium, Ziegl. c. l. f. 8.

§. XX.

Huc usque demonstravimus, quod Judex in decer- nenda hujus delicti poena, præter alias circumstantias imprimis personarum qualitates, quibus admenatio atrocior æstimari solet, bene ac accurate perpendere, & ex iis judicium & arbitrium suum informare debeat. Jam vero ex ante dictis attingenda est hæc Quæstio: Num isthæc æstimatio ad tempus id, quo judicatum, an

an vero ad illud quo facta est admenatio, referri debeat: Veluti si ejusmodi minæ fuerint intentatæ Magistratum gerenti, qui judicati tempore Magistratu abiit: vel si fuerint intentatæ a plebejo, qui judicati tempore factus est Senator, Judex &c. Et respondemus: æstimationem illam non ad tempus judicii, sed commissæ admenationis referendam esse. Ideo admenatio plebejo facta, qui postea Senator factus est, non ut Senatoris, sed tanquam plebeji punietur, & contra, *arg. l. 21. ff. de Injur.* Ejusque ratio manifesta est, quia incoercendis delictis vel criminibus, non latæ sententiæ aut litis contestatæ, sed delicti perpetrati tempus spectari solet. *l. 1. ff. de panis. l. 21. C. ad l. Corn. de Fals. l. 29. pr. ff. de Stat. liber. l. 1. §. 3. ff. Si is qui testam. liber. esse juss.*

§. XXI.

Hoc loco quoque venit examinanda hæc quæstio: An Magistratus sive Judex, cui admenatio facta est, de ea ipse cognoscere, atque eum, qui minas intentavit, punire possit? Et quamvis nemo alias in propria causa judicare debeat, *l. 10. ff. de Jurisdic. l. un. C. Ne quis in sua causa judic. l. 13. ff. Quod metus causa. l. 14. C. d. Judicis. C. 1. caus. 4. q. 4.* Nos tamen, his omnibus non obstantibus, Magistratum seu Judicem, cui ut Judici admenatio facta est, eam recte, si notoria sit, punire posse existimamus. Magistratus etenim Judexve, cui per ejusmodi admenationem gravis in-

injuriam illata est, puniendi hanc injuriam sibi contemplatione dignitatis vel officii sui illatam, non proprio, sed potius alieno, puta Reipubl. negotio, procedere & judicare censetur: cum ista injuria ipsi Reipubl. vel dignitati facta esse intelligatur: *arg. Cap. 1. de pæn. in 6. ibique Dd. Gl. ad l. un. ff. Si quis jus dic. non obtemp. l. 8. ibique Dd. ff. de appell. Reinking. in Tr. de Reg. sec. & Eccles. Cl. 1. l. 1. cap. 3. n. 24.* Quod si vero Judici non respectu publici officii, sed tanquam privato admenatio facta & per hanc injuria irrogata esset, isque ad privatam vindictam, puta ad pœnam sibi applicandam, agere vellet, aut admenatio non esset evidens, sed altiore requireret probationem: his utique casibus, Judex vel Magistratus injuriam istam propria auctoritate vindicare non posset, verum ad superiorem deferenda foret, ut ipse tanquam Judex competens, de ea cognosceret, *arg. eorum, quæ habet Cynus in l. un. C. Ne quis in sua caus. jud.*

f. XXII.

Cæterum antequam ab admenatione abeamus, istud adhuc monendum venit, quod eo casu, quo admenationem exceperit admenati qualiscunque defensio, culpa tota in admenantem revolvatur, ut veluti provocante habeatur, vid Tacit. 1. *Annal. c. 27.* ubi indicat: *Manus intentantes causam discordiarum & initium præbere armorum.* Cum ille sit princeps culpæ, a quo incipit malitia. *arg. l. 4. C. de serv. fugit.* & non dicatur incepisse, qui ex ira aliquid facit, sed qui ad iram

iram provocat *l. 13. ff. de Judic. l. 14. ff. ad l. Aquil. We. senb. Vol. 1. conf. 19. n. 15.* Qua occasione quætionem movent DD. Si admenatus seu insultatus, antequam percutiatur, occidat insultantem seu admenantem, an poena homicidii ordinaria teneatur. Quod quidam affirmant ideo, quia solæ minæ tam gravem offensionem non habent, ut ob eas solas alterum cedere liceat. Sunt enim minæ verba, quæ non verberibus sed verbis sunt repellenda. *Jod. Damhoud. in Prax. Crim. c. 76. n. 19. Obrecht in Tr. de Necess. Defens. c. 11. n. 15. Berlich. P. 4. concl. 13. n. 11.* Quidam vero negant, ex hac imprimis ratione, quia is, qui admenantem occidit, id defendendi sui causa fecisse, adeoque quasi justam causam habuisse dicatur, cum & minæ & terror armorum maxime lethalium, veluti sunt bombardæ, gladius &c. insultatum sive admenatum in vitæ discrimen adducunt. *Clem. un. de homicid. l. 3. §. 5. ff. de vi & vi arm.* In vitæ autem discrimine constitutus, iuste se usque ad internecionem alterius defendit, *l. 2. C. de sicar.* Ergo & insultatus seu admenatus, qui hujusmodi metum patitur. Nec primum ictum expectare tenetur, *Ord. Crim. art. 140.* quia fieri potest, ut ictum non evadat, sed eo statim trucidetur, vel etiam sic tractari potest, ut facultas defendendi nulla ipsi reliqua foret, sicque ante ipsum poena injusta luenda foret, quam justa repeti posset. Ideoque melius est, admenantem prævenire, non expectato ictu, quam post acceptum vulnus remedium quærere *l. 1. C. quando lic. univ. sine Jud. l. f. in fin. C. in quibus caus. rest. in integr.*

E

non

non est neceſſ. Jul. Clar. in §. homicidium 2. n. 33. Hippol. de Marſil. in Pract. Crim. §. diligenter n. 19. Gomez Tom. 3. Var. reſol. c. 3. n. 22.

§. XXIII.

Nos quoad hanc quæſtionem, diſtinguendum eſſe exiſtimamus, an quis nudis verbis aut geſtibus, abſque omni alio facto, actu aut præparatione ad percutiendum, cædem minetur, an vero ſimul aggrediatur vel adoriatur, impetat & percutiat. Priori in caſu, ſi admenatus admenanten illico occidat, vix animadvertimus, quomodo *l. Cornelia* pœnam evitare poſſit, arg. *l. 2. C. ad l. Corn. de ſicar.* quoniam is qui nudis verbis aut geſtibus minatur, nondum incipit offendere & facto inſultare, neque procedit ad actum proximum, ideoque tunc verbis obſiſtere, non autem ad manus & ferrum devenire licet. Alias enim, ſi pro ſollis verbis, verbera referrentur, analogia deſenſionis minime ſervaretur. Et licet ejusmodi geſtus & minæ verbales terrorem alicui injiciant. *l. 1. in fin. C. ſi quæ præd. poteſt. l. 1. C. Si Reſt. Provinc.* non tamen per illas præſens & tale vitæ periculum imminet, quod aliter verbis & judiciali autoritatè propelli & declinari nequeat, & certe multi reperiuntur Thraſones, qui alicui ex frivola sæpe cauſſa ſatyraſ & mortem minantur, quorum tamen comminationes ſtultæ, non pluris faciendæ, quam fulgur ex vitro aut quanti nugæ obſetricum & delirantium jam vetularum, Carpz. P. 1. qu. 29. n. 66.

§. XXIV.

§. XXIV.

Posteriori vero casu, quando nim. minas jactans jam alterum aggrediatur, ita ut terror & metus extremus actui proximus adsit *l. 3. §. 5. ff. de vi & vi arm.* Tunc certe admenatus seu insultatus & in vitæ discrimine constitutus, primum ictum expectare non tenetur, sed sibi in tempore bene prospicere potest, & si defendendi sui causa minitorem occidat, a pœna *l. Coris. de Sicar.* immunis est & vel plane absolvi, vel ob commissum excessum moderaminis inculpatæ tutelæ arbitrarie relegatione vel carcere puniri debet, tum ob textum *c. l. 3. §. 5. ff. de vi & vi arm. l. 5. pr. ff. ad l. Aquil. & Art. 140. §. f. Ord. Crim.* tum, quod melius sit in tempore occurrere, quam post exitum vindicare & consultius intactum corpus servare, quam post vulnus acceptum remedium quærere, *l. f. inf. C. in quibus caus. rest. in integr, non est necess.* tum denique, quia præsens armorum terror offensionis proximus est, potentia autem actui proxima censetur esse in ipso actu, *l. 1. §. 21. l. 18. §. 2. ff. de acquir. poss. Damhoud. Proc. Crim. c. 76. n. 19. ibique cit.*

§. XXV.

Affinitatem quandam cum admenatione habet diffidatio, quæ quondam certo modo licita erat, ut constat *ex Cap. 17. Aur. Bull.* postea vero simpliciter prohibita est ab Imperatore Maxim. I. in *Comitiis*

Wormatien fibus de Anno 1497. sub. Rubr. der Königl. Landfriede darauff haben wir alle offene Fehde durch das ganze Reich abgethan und aufgehoben. Heben auch die hiermit auf und thun die ab von Röm. Königl. Macht und mit Krafft dieses Briefs. Sicut enim admenatio & terrorem incutit & honorem lædit, sine afflictione præsentanea corporis aut fortunarum. Ita etiam diffidatio speciem minarum continet. Ord. Crim. Art. 128. Vnde & definitur; quod sit minitatio hostilis, qua quis alteri per literas, signum, aliudve factum, animum hostilem denunciat, minaturque se cum armis, igne, spoliis, rapinisque percuturum. (Wann einer einem ansagt oder ihme Feindschafft zuschreibet oder Brand: Zeichen steckt / und Ihn mit Raub / Brand / Mord zu beschädigen bedrauet und befehdet. Joachim a Beust, ad l. 31. ff. de Jurejur. Differt tamen diffidatio ab admenatione eo, quod illa (1.) inferatur plerumque absenti; per nuntium, literas & signa. Hæc vero præsentis. (2.) Admenatio specifice fiat elevatione manus & armorum, tanquam percussuri: Diffidatio vero aliis modis, quos videre licet apud Bocer. Tr. de diffid. cap. 4. Quib. mod. diffidatio fiat. Non enim nuda verba minitatoria faciunt diffidationem, sed vel literæ, appensio signi, aliudve factum accedat, necesse est. Carpz. Pr. Crim. p. 1. qu. 37. n. 18. (3.) Admenatio plerumque privatum concernit, sed diffidatio ut plurimum in publicum lævit; Non enim sufficit, ut quis literis aliove facto, alteri persecutionem minetur, sed minæ ejusmodi si pro diffida-

dationibus habendæ, totam universitatem concernere debent, ita ut periculum Universitati immineat, ut ut maxime diffidatio ad unum dirigatur, v. gr. si quis solum inimico suo uni ex universitate minitetur incendium, in ædibus ejus signo inflammationis affixo. Licet enim hoc casu diffidatio ad unum solummodo sit directa, attamen exinde incendium ac hostilia toti communitati sunt expectanda; uti proh dolor! exempla quotidiana satis demonstrant. Adeoque tales minæ ad totam communitatem pertinent, cui toti, incendium unius domus nocere potest, ut quod proxima quæque soleat arripere, sicuti verissime dicitur:

Tunc tua res agitur, paries cum proximus ardet.

De prohibitione & pœna diffidationis videri possunt
Aur. Bull. cap. 17. Carpx. p. 1. Qu. 37.

§. XXVI.

Affinis etiam est admenationi Scopelismus: quod erat criminis genus in Arabia, cujus Rei fiebant ij, qui inimici agrum lapides posuissent, indicio futurorum, quod si quis eum agrum coluisset, malo letho periturus esset insidiis eorum, qui eos posuissent: quo fiebat, ut nemo ad eum agrum accedere auderet, crudelitatem timens eorum, qui scopelismum fecerant, vid. l. 9. ff. de extraord. Crim. Alii definiunt scopelismum, quod sit crimen, quo sub
E 3 lapi-

lapidibus, aliave materia malæ absconduntur artes, ut accedentes malo letho pereant. Et. Mart. *Interpr. art.* 109. *Ord. Crim. n.* 34. Georg. Thebes. *Dissert. inaug. de scopelismo, thes.* 6. & *seqq.* Quæ sententia inde firmari videtur, quod Arabes magiæ fuerint maxime dediti, Josephus *Antiqu. l.* 17. c. 6. & vindictæ cupidissimi. Luc. de Linda *in descript. Arab.* Illustrant hoc exemplo statuæ circa tempora Caroli M. in Hispania ab Arabe Pseudopropheta Mahomede, insigni mago, fabricatæ ac positæ, in qua dæmoniacam legionem arte sua magica sigillasse dicitur, eamque Christianos absque periculo accedere non potuisse, ac si avis forte super istam sederit, illico mortuam cecidisse. Turpin. *de Reb. Carol. M. c.* 4. Camer. 3. *oper. subcifu. c.* 14. Referunt etiam huc eos, quos Germani Voodflegler dicunt, de quibus ita Speidel. in Notab. Voodflegler werden diejenigen genennt / die auf gewisse Persohnen / und zu gewissen Schäden an Beine / Armen / Augen / Därmen &c. etwas unter die Schwellen graben / oder in Weg oder Steg legen. Verum isthæc descriptio scopelismi vix videtur congruere verbis legis: *insidiis; crudelitatem; mortem comminatus*: quæ magis diffidationi cuidam conveniunt, neque verosimile est, si artes maleficæ in hoc crimine adhibitæ, id plane ne minimo quidem verbulo innuisse Ulpianum. Ceterum hoc crimen Præfides graviter exequi solebant, etiam usque ad poenam capitis, c. l. 9. *de extraord. Crim.* conf. Matth. *de Crimin. c.* 3. §. 3.

S. D. G.